



MENARA Berkembar Canselori UMS.



PEJABAT Utama Pusat Luar UMS (PLUMS).



RIZAL MALIK



PROF. DR. ROSELINA AHMAD SAUFI

# PLUMS jadi tumpuan golongan profesional lanjut pengajian

OLEH MARRYAN RAZAN (marrayan@newsabah-times.com.my)

PUSAT Luar Universiti Malaysia Sabah (PLUMS) yang dahulu dikenali sebagai Program Pengajian Luar Kampus (PPLK) mula diperkenalkan pada Oktober 1999 di Sandakan, Sabah.

Idea ini telah dicetuskan oleh Menteri Pendidikan Malaysia ketika itu, Datuk Seri Najib Tun Abdul Razak bertujuan membantu guru-guru sandaran tidak terlatih melanjutkan pengajian ke peringkat Ijazah Sarjana Muda di Sabah.

Idea tersebut kemudian dilaksanakan oleh pihak Universiti Malaysia Sabah (UMS) di bawah kepimpinan mantan Naib Canselor UMS, Tan Sri Prof. Datuk Seri Panglima Dr. Abu Hassan Othman.

Usaha memulakan PPLK juga selaras dengan peranan UMS bagi mencapai kecemerlangan ilmiah dalam pelbagai bidang ilmu untuk mencapai pengiktirafan antarabangsa menerusi pengajaran, pembelajaran, penyelidikan, penerbitan dan khidmat masyarakat.

Selain itu, usaha itu dilakukan untuk mencapai keseimbangan pengkhususan ilmu dan keperibadian para pelajar demi menghasilkan produktiviti dan kualiti yang tinggi dalam konteks persekitaran dan aspirasi pembangunan masyarakat dan negara.

Semenjak penubuhan pusat ini, PLUMS semakin mendapat perhatian golongan profesional yang berkecayaan dan ingin melanjutkan pelajaran ke peringkat Sarjana Muda dan seterusnya di peringkat Sarjana.

Kewujudan pusat ini amat relevan dalam memajukan modal insan di kalangan golongan yang bekerja.

Pada hari ini PLUMS diurus tadbir oleh UMS Link Holdings Sdn. Bhd iaitu syarikat milik penuh UMS. PLUMS diterajui oleh Prof. Dr. Roselina Ahmad Saufi sebagai Pengarah Urusan Kumpulan semenjak tahun 2006.

Selaku mantan Pengarah Pusat Perkhidmatan Rundingan dan Latihan (PPRL) UMS, Prof. Roselina meneruskan usaha dan dedikasi untuk menjayakan inisiatif membangunkan modal insan melalui penawaran program-program akademik Universiti secara separuh masa.

"Semenjak program PLUMS diperkenalkan, UMS telah melahirkan graduan yang terdiri daripada golongan guru-guru sandaran tidak terlatih, golongan pegawai dan kakitangan kerajaan, syarikat-syarikat swasta, institusi kewangan serta agensi-agensi kerajaan dan badan-badan berkanun," kata Prof. Roselina sambil menambah, sehingga kini, PLUMS telah melahirkan graduan seramai 2,483 orang meliputi Peringkat Sarjana Muda, Sarjana dan Diploma Pascasiswazah.

Sebagai Pengarah Urusan Kumpulan ULink, Prof. Roselina meletakkan matlamat untuk memastikan kualiti graduan dari PLUMS menepati kualiti yang diperlukan oleh syarikat-syarikat swasta serta pelbagai organisasi luar seiring dengan objektif yang telah ditetapkan oleh Kementerian Pengajian Tinggi. Katanya, PLUMS juga menawarkan kemudahan prasarana yang mencukupi bagi menyediakan para penuntut dengan suasana pembelajaran yang komprehensif.

"Saya berpendapat bahawa suasana pembelajaran mempunyai hubungkait dengan kualiti seseorang graduan. Oleh itu adalah penting bagi para pelajar mendapat akses terus kepada prasarana seperti makmal komputer, pusat kesihatan serta kemudahan asas yang lain," katanya.

Mengenai komitmen para pelajar separuh masa di PLUMS, beliau menolak tanggapan segelintir masyarakat bahawa seseorang pelajar tidak boleh membahagikan masa antara berkerja dan bekerja.

"Masa pembelajaran yang ditetapkan oleh PLUMS sangat fleksibel



RANGKAIAN multimedia pencarian buku di Perpustakaan UMS.

dan bersesuaian dengan gaya hidup golongan profesional masa kini.

"Bagi mencapai kejayaan, para pelajar wajib menekankan disiplin pembelajaran dan komited terhadap pengajian. Ini adalah resepi penting selain kesabaran menimba ilmu pengetahuan," katanya.

Beliau menggesa calon-calon yang berminat dan berkelayakan untuk merebut peluang keemasan untuk menimba ilmu pengetahuan melalui program PLUMS.

Sementara itu, Pegawai Penguasa (Pentadbiran & Operasi) PLUMS Rizal Malik berkata, pengajian yang ditawarkan di PLUMS bukan sahaja memberi peluang kepada masyarakat Sabah untuk mengembangkan potensi diri dan peluang kerjaya di tempat mereka bekerja, malahan ia mempunyai kelebihan tersendiri.

"Jumlah jam kredit bersama pensyarah adalah sama dengan pelajar sepenuh masa. Mod pengajian seperi-

ti ini dibuat bagi memastikan kualiti pembelajaran di PLUMS adalah sama taraf dengan pelajar sepenuh masa, yang mana masa bezanya dengan pelajar sepenuh masa hanyalah dari segi tempoh pembelajaran," katanya.

Program akademik di PLUMS memberikan kelebihan kepada para pelajar kerana boleh mengikuti pengajian tanpa melepaskan kerjaya masing-masing.

"Malah pengalaman di tempat kerja, memberikan kelebihan kepada para pelajar melalui perkongsian bahan pengetahuan dan pengalaman.

"Dengan pengetahuan yang baharu dikongsi semasa pengajian, mereka akan menjadi pekerja yang lebih berdaya saing, kompetitif dan berinovasi," katanya.

Rizal berkata, PLUMS menawarkan lebih 19 program peringkat Ijazah Sarjana Muda dan sembilan program peringkat sarjana yang ditawarkan di kampus induk UMS



MAKMAL Komputer UMS.



Pusat Luar UMS, Cawangan Tawau.



Pusat Luar UMS, Cawangan Sandakan.

Jalan Sepanggar Kota Kinabalu dan di semua cawangan PLUMS iaitu Sandakan, Tawau, Keningau dan Labuan.

Antara program akademik PLUMS yang mendapat sambutan dari kalangan profesional dan berkecayaan ialah Ijazah Sarjana Pentadbiran Perniagaan (MBA), Ijazah Sarjana Pengurusan Modal Insan (MHCM), Ijazah Sarjana Psikologi Kaunseling (MCP), Ijazah Sarjana Pendidikan Pengurusan Pendidikan (MEM), Ijazah Sarjana Muda Sains Sosial dengan Keupujian (Komunikasi), dan Ijazah Sarjana Muda Psikologi dengan Keupujian (Psikologi Industri dan Organisasi).

Para pelajar boleh mendapatkan pembiayaan pendidikan dari pelbagai pihak seperti Perbadanan Tabung Pendidikan Tinggi Nasional (PTPTN), Kumpulan Wang Simpanan Pekerja (KWSP) dan institusi-institusi kewangan yang lain.

Suasana pengajian di PLUMS amat mendukung matlamat melahirkan modal insan yang berketerampilan dan berilmu pengetahuan. Pelbagai kemudahan perkuliahan disediakan pihak Universiti termasuklah dewan kuliah yang kondusif, kafeteria, dewan perpustakaan, makmal komputer, masjid, kompleks sukan dan kelengkapan-kelengkapan lain bagi membantu para pelajar sepanjang pengajian mereka di Universiti di samping menikmati suasana yang harmoni dan sejahtera.